

《中华民国拾捌年刊》

同安县志

○ 吴锡璜 著

上

厦门市同安区地方志编纂委员会办公室整理

方志出版社

『中华民国拾捌年刊』

同安县志

○吴锡璜 著

上

厦门市同安区地方志编纂委员会办公室整理

方志出版社

图书在版编目(CIP)数据

同安县志:民国版/吴锡璜著;厦门市同安区地方志编纂委员会办公室整理. - 北京:方志出版社,2007.3

ISBN 978-7-80238-005-9

I. 同… II. ①吴…②厦… III. 同安县-地方志 IV. K295.74

中国版本图书馆 CIP 数据核字(2007)第 025244 号

同安县志(民国版)

著 者:吴锡璜

整 理:厦门市同安区地方志编纂委员会办公室

责任编辑:史为乐

出 版 者:方志出版社

(北京市建国门内大街 5 号中国社会科学院科研大楼 12 层)

邮编 100732

网址: <http://www.fzph.org>

发 行:方志出版社出版发行部

(010)85195814 85196281

经 销:新华书店总店北京发行所

法律顾问:北京市京诚律师事务所

印 刷:厦门集大印刷厂

开 本:889 × 1194 1/32

印 张:38

字 数:965 千

版 次:2007 年 3 月第 1 版 2007 年 3 月第 1 次印刷

印 数:0001 - 1000 册

ISBN 978 - 7 - 80238 - 005 - 9/K · 778

定价:128.00 元

· 版权所有 翻印必究 ·

同安县志弁言

县志者，《职方典》之所自祖，而亦即史学之绪余也。其体例有因有革，独至今日而言修志，则虽因而实创也。汉唐以后，凡属我国省、府、厅、州、县莫不有志。志也者，以志地方之沿革，风俗之转移，越千余年无甚悬异，此乃所谓因也。洎乎清季，物质文明之学，倡自欧西，曰商务，曰邮政，曰电报，曰铁路，曰武备，曰学堂，曰实业，均与学术、政治、人心有递嬗之关系，而运会之升降亦随之。孙中山先生悯我国世运之就衰，谋所以救国救民者，莫重于革命。湖北倡义，举国风从，又能使五千余年之国体，一转而为民国。明大儒黄梨洲尝谓，国权在民，乃幸于近世革命家而实见之。综此四十年来盛衰之状况，时局之推移，革命事功之发展以言修志，乃创而非因也。

贞从事革命工作十余年如一日，幸诸同志努力前驱，风驰电掣，至今夏而北伐告厥成功，则革命时期复变而为训政时期，此后种种革新事业，当以各地方之志书为参考。近奉国府命调闽，以谋桑梓治安。适同安县长林学增，以推促编纂县志成为予言，且问序于予。余惟同安乃声明文物之邦也，宋、元、明、清人材辈出，甲于省会。举凡文章、经济、理学、宦绩、武功，在在足以揄扬盛美。惜乎旧志仅成于清嘉庆三年，中断至今，垂一百三十余年之久，其间文残献阙，在所不免。然经县长林学增之督促，邑绅吴锡璜之博考群书，参订中外风俗、政教以总其成，兼之吴绅煌枢、周绅江达、翁绅炳文、黄绅华、吴绅锡琮、苏绅万灵、王绅道尧、许绅荣等相助为理，而斯志遂灿然可观。贞取而

阅之，其编订大旨，悉以纲常名教为宗，而以近世之新潮流为辅，若方括之图绘，纬侯之测量，与夫赋税、交通、实业、外交、校制、物产、垦荒、人物，皆斟酌中外大势，以会其通，而随在足以感发我国人图富图强之兴味，则《同安县志》之成，固有创而非因者。其书纪载虽限于偏隅，而世界之变迁，政治礼教之轨范，历代人物之类录，大端毕具，谓一邑之志书可，谓有关于世界革新之志书亦无不可也。

我闽省修志，倡办于民国四年，届今而告成者寥寥无几，此后商量邃密，或不免有晨星寥落之叹！吾为此懼，愈觉催促进行，殊不容缓也。林君学增能以此为当务之急，而该邑硕学通儒，尤能不畏繁难，参互考证以藏其事。贞以其书分类至四十二门，具有上下千古之识，且于郑成功开府思明，仿春秋“公在乾侯”^①之例，网罗遗民，阐幽抉微，以补旧志之缺。湛深经术，即创即因，质之当代史学家，谅亦莫赞一词。用特泚笔序此，以为当世之纂修邑乘者劝。

中华民国十七年六月国民革命军独立第四师师长诏安张贞谨撰

序 二

司马子长之作史也，有本纪、世家、列传以观其人，有书以观其政，有表以观其成，凡以究天地之际，通古今之变而已。班范^②而下，体例间有变迁，旨趣莫能逾越。县志之作，昉自《周礼》邦国之志，而后世之郡国志、乡土志，其滥觞也。虽无编年纪月之烦，略得属事比辞之要，其体例旨趣大都取法龙门^③。若顾氏炎武之《天下郡国利病书》则广收天下志乘成案及名人著作，就而录之，不立己见，于天下之形势沿革，皆能了如指掌，洋洋乎大观矣，而其实则积县志以成省志，积省志以成天下郡国志而已。顾氏之书，虽取资于省志，然有待于县志者固深且

大也。

同安僻处海滨，声名文物之盛，采风者语焉弗详。县志之修，远在前清嘉庆三年，而百余年来，铅槧屡更，撰述无闻。矧民国肇兴，开数千年未有之局，人心之趋向，风俗之转移，崭然一新，无以诏之，败坏立见，所谓究天地之际，通古今之变者，此其时耳。吴瑞甫先生为同邑宿学泰斗，其肆力于县志者易数寒暑，固已卓然成章，而县长林君学增复能于兵马仓皇，牒诉倥偬之中，与之下上其议论，钩提其玄要。更增聘苏、黄、王、许诸先生以赞襄之，汲汲皇皇然，一若同邑山川之灵爽，与夫先正之精诚，日伺其旁而敦促之也者，卒使鸿编巨制一旦告成，上以储国史之实录，下以立民志之大防。林君其知所先务哉。澄 沅忝列戎行，奉命驻兹土，适逢其盛，不敢不为一言以誌私幸。至其体例之精审，旨趣之深微，林序言之綦详，不具述。

中华民国十七年仲春之月，国民革命军独立第四师第四团团长王澄沅撰于同安军次

序 三

志书非史也，然记土地、人民、政事，亦即史之绪余也。第史不必有图，而志书必长于测绘；史必有褒贬，而志书则重在实录。读湖北、山西各省志，可知大概。《同安县志》自清嘉庆三年纂修，后无闻焉。昔之官斯土者，但就旧志重刊，而于国计民生、人心风俗之转移，并不效辘轳之採，识者憾焉。

民国肇兴，于各地方之土宜风尚视为当务之急。湖北首先倡义，其省志成立最早。我闽省虽处海滨，亦声名文物之邦也。省志局颁发志目十余稔矣，以地方多故，进行濡滞，察全省志书报成立者寥寥无几。岁丙寅十月，学增 承乏邑宰，即闻县志已成十之八九，以簿书鞅掌，未遑兼及。迭奉国民政府、省政府叠次

催促，即向纂修处吴瑞甫先生索志稿阅之，见其编纂概本省志目，而体例之严谨则尤过之。言纬候则度式必详，言沿革则原委毕具，言关税则痛言协定之非，言外交则力陈条约不当及不收回裁判权之害，言建筑、物产、实业、交通、学校、选举务在策励国民之自治精神与国民政府之整理内政、外交诸擘画若合符节。若夫郑成功开府思明，有明之忠义悉归之，当时抚有金厦两岛，在同邑人物最盛，而皆明之遗老。旧志以关于鼎革之事纪载从略，新志目三十七门从未讨论及之，甚缺典也。先生独搜罗尽致，以发潜德幽光，而悉以《思明州人物录》系之。夫成功以复明号召天下，始终奉永历正朔，系以思明州者，即春秋“公在乾侯”之例，亦即《朱子纲目》尊蜀汉为正统之遗意也。志书虽与正史不同，而体例斟酌尽善，自非长于史学者不能。至于列传，尤未敢沿讹袭谬，独从汉赵岐《三辅录》之例，最有卓见。盖国体既变更，则志书体例亦当随之而变，易列传以别于本纪也，既无帝王本纪，又安有所谓列传。本此以纪载人物，亦庶几准古酌今两无遗憾。

抑学增又有说焉，同安武略开创于许督，而文化实始于谢脩、苏绅诸流，自苏正简以经济文章甲天下，为朱紫阳所推重，许顺之、陈植又以理学品望师表群伦。大儒如魏了翁独推闽之文学，同安为最。越有明如蔡清宪、林次崖、洪芳洲、许钟斗诸先生，均卓卓可传。洎有清而身列帅府者至数十人，武功之盛为全省冠，固已足摘藻扬芬，增光史乘矣。民国以来，大中小学之设尤迥出于省会。邑之人材后先辉映，诚足令人歆慕。所惜吴君虽竭数年之心力犹未脱稿，学增因聘苏绅万灵、黄绅华、王绅道尧、许绅荣等重行调查、相助为理，仍由吴君负编纂全责，而后此书乃底于成。更请邑绅吴煌枢之品学兼优为邑人士所宗尚者，再加厘订，以示大公。行见此志一出，较之他邑志书当必有独出冠时者。予肤学无能，每浏览此志，觉同邑之官师、人物、风

俗、政教朗若列眉。吁，岂惟同邑然哉！闽省多史才，知必有较先生之苦心疏证尤为峻整者，余不禁为之拭目以俟矣。

中华民国十七年孟春之月诏安林学增撰于同安县公署

序 四

昔赵岷有言：志书非董狐之直，邱明之核，不以操觚，故其文多可存。今之志，博雅不足，其弊俚；褒贬无当，其弊妄。甚者，狂心谩舌，聚论纷纭。呜呼，修志岂易言哉！我同志书，迄清嘉庆三年，届今并无嗣响，已垂百余年于兹矣。民国以来，国体变更，而省议会讨论，仍于县志视为当务之急。顾年湮代远，文献无征，在所不免，屡议修辑，邑人士群虑困难，吴君瑞甫独慨然任之。岁癸亥，余承乏县篆，与邑绅商共谋治安，适吴君编纂志书成，嘱余设校阅所，以昭公允。余因聘籍绅之品望、学术足为邑推重者，若翁绅炳文、周绅江达、吴绅锡琮共相厘订，缺者补之，讹者正之，而志书遂粲然大备。余又以志书关一邑之文献，不可不慎重其事，尝持赵岷之说以质吴君，吴君为予言，以此书之成，搜罗经、史、子、集达数百家，言皆有本，盖奉宣圣述而不作之训也。其间体例斟酌再三，独于列传不敢遵省志目，特从张煦、王轩之说，变传为录，以正旧志沿讹袭谬之误，似较严谨。盖传者释经之名词，司马迁惟有本纪，故作列传。纂修志乘者，并非史官，县志亦非国史，自不能为人立传。康对山《武功志》为志书第一，其于官师，仅曰官师志，于人物，仅曰人物志，而皆不名列传，即其例也。况变传为录，张煦、王轩又有所本。昔赵岐撰《三辅决录》，自序谓“其人既亡，行乃可述”。晋虞预著《会稽典录》，史家以为与《益州耆旧》、《汝南先贤》同。可见谓之录者，乃志书录取名实之例，且以示与国史馆有大区别，自属尊崇国宪之美意，体例尤为严正。

吴君纂修此志，凡阅三寒暑始成。其手不停披，旁搜远绍，苦心规仿，卒能使百三十年之掌故，厘然灿然。余爱之重之，用特弁数语于简端。

中华民国十三年八月，同安县知事许荣序

附设立志书校阅所通告一则

窃谓采风问俗，自古首重輶轩；考献征文，届今端资邑乘。邑自朱子《大同集》著，已足衡匹史经；亦越有明《隆庆志》成，允可比肩马郑^⑤。清初康熙至嘉庆时代，朱奇珍倡修于前，吴镛、吴堂续修于后，网罗繁富，契匠精严，不涉武功之略，已擅宁化^⑥之长。后虽屡议重刊，仍沿旧刻。阅期间至一百廿五岁，摭拾綦难。辟方里至三十六都图，搜罗匪易。间虽黄家鼎增修马巷，只限一隅；周芸皋曾誌鹭江，仅详片岛。载言比事，固有资博雅之儒；沿革交通，又特重识时之士。兹幸编纂告成，大端毕具。开辨讹辟谬之方，虚怀若谷；广补阙拾遗之路，公正为心。本知事博征旧乘，延聘通儒，缅苏正简之勋名，仰许乡贤之轨范。念自黄万顷以文章擅誉，纪许国以史学名家，弥见代有传人，时多硕彦。用特吁请有众，共集腋以成裘；并期各抒所长，定驾轻以就熟。似伊川^⑧之补《大学》，采撰不乏通才；如束皙^⑨之补亡诗，鉴衡定多特识。业将纂修诸目，视缕于先；并将缺略各门，条陈于后。遍略皇览，勿貽梁魏之讥；逸史语林，当识王刘之误。因采访之未尽，特分类以征求；倘体例有或乖，期寻源而讨本。设备刘知几之识，必广传闻；如具李延寿之才，定多删补。远代庞文，深虞荒诞，芜编纷出，尤虑滥觞。应就正于国人，特掬诚以相告。

中华民国十三年一月十三日，知事许荣通告

同安縣志

纂修姓氏

主	修	同安縣長	林學增				
		前同安縣長	高梅山	許	榮		
總	纂	吳錫璜					
協	修	蘇萬靈	曾謝思				
分	校	翁炳文	黃 華	王道堯	顏其修	吳煌猷	阮 增
		王錫堯					
總	校	吳煌樞	周江達	吳錫琮			
書	記	鄭子才	吳樹萱				
籌	修	陳宗書	蔡秋濤	陳延香	洪鴻儒		
採訪局長		洪國器	副 陳錫畴				
採訪分任		陳延香	王道堯	倪 炯	黃 农	柯 敏	陳宗河
		黃 華	陳國材	陳礼仪	陳宗器	許希仁	楊開甲
		林輔龍	許宗宣	黃玉田	宋逢源	叶止敬	陳福萱
		朱成材	叶尔承	林从龍	陳世桓		
義務採訪		郭有家	高 峻	史敬亭	叶 淵	吳觀濤	何 敏
		王錫堯	莊朝音	練凤翔	汪玉堂		
測繪主任		方括圖	城市圖	文廟圖	縣公署圖	公園圖	
		以上林向榮繪	縣學校平面圖				
緯候測繪		晷候經緯度	氣候表	曾謝恩繪			

气温变化图 张泮洲绘

风力变化图 张泮洲绘

气压变化图 黄少雄绘

湿度变化图 张辉煌绘

雨量图 欧阳冶绘

车路测绘 同美车路图 同溪车路图

校	阅	陈士霖	周滨河	叶挺秀	叶兆年	翁瑞清	陈士衡
		郑冠英	陈伟	林云龙	林怀璋	陈化育	杨生春
		林培元	叶良玉	苏正中	苏逢年	高开霁	郭肇元
		洪湛恩	辛离明	徐波光	洪慕椿	洪钟熙	蔡称其
		陈石岩	胡祥麟	陈福萱	林从龙	蔡科联	朱成材
		洪青云	洪李芳	李晖春	洪馭群	陈秉璋	魏阙
		陈鸿祺	蔡宗清	何国材			

监印刷者胡炳章

附旧志纂修各姓氏

康熙五十二年癸巳志

总纂 同安县知县朱奇珍 同安县训导陈声远

进士内阁中书叶心朝 举人仙游教谕张金友

分纂 舆地 规制 生员陈可远

水利 防御 生员叶滋荣

典礼 物产风俗 生员叶光国

赋役 官守 贡生陈捷昌

官师 生员颜三拱

人物 ^{一岁贡生陈辉祖}
^{二副贡生萧凤鸣} 生员陈皋

人物三 生员刘金兰

人物四 生员陈大经 曾 梁

祥异 生员李 潜 广善 生员庄天能

盗贼 贡生黄铨宸 生员池文煜 丛祠 释道墓宅

生员陈祚翀

征文上下 生员陈孟功

乾隆三十二年丁亥志

主修 同安县知县吴 镛

同修 同安县教谕罗前荫 同安县训导黄 梅

总纂 浙江会稽廩贡生陶元藻

分修 进士原任湖北长乐县知县黄 涛

举人刘 瀚 举人庄明呈 举人叶廷梅

举人陈迈伦 生员陈 薰

采辑 举人张允和 举人陈联榜 举人陈琅玕

举人薛起凤 副贡黄汝达 副贡张 斌

副贡陈思敬 副贡颜 嘉 拔贡黄天助

副贡林和声 岁贡洪世年 岁贡叶钟鳌

岁贡陈射策 廩生叶 照 廩生高一挥

廩生林 麟 廩生黄 震 生员刘 兰

生员颜 华 生员陈帝锡 生员蔡士哲

生员王 昭 生员郭肇妣 生员叶日新

生员李希岸 生员张陆阶 生员陈应麟

生员林应龙 生员杨国春 生员施云锦

生员陈元勋 生员方 策 生员刘必登

嘉庆三年戊午志

主修 知同安县事吴 堂
同修 同安县儒学教谕吴拱极 同安县儒学训导何泽杞
纂修 知同安县事吴 堂
协修 举人刘 鼎 附贡高有继 增生叶紫花 增生黄天榜
分校 附贡杜鸿猷 廪生柯金华 增生杨宗潮 增生叶 顺
生员李兆庚 生员叶 燮 生员高联飘 生员余锡龄
总校 举人童浚德 贡生高有器
监刻 国子生高玉成 国子生高宏音 生员杜 瀛 生员黄提纲

纂修同安县志引用书目

通志 职方典 十一朝东华录 文献通考 九朝纪事本末
大清国际条约 八闽通志 广东通志 大清会典 五洲政治通考
闽书 江南通志 广西通志 浙江通志 湖北省志 江西省志
山西省志 福建省志 太仓州志 抚州府志 赣州府志 泉州
府志 苏州府志 上海县志 萧山志 永安邑志 达州志 处州
志 庆州志 牛若麟志 莆田志 吴县志 连江县志 仙游县志
台湾志 台湾通史 鹭江志 厦门志 金门志 马巷志 雍正
志稿 吴堂邑志 明史 群经汇解 海关税务纪要 民十二年修
改税则 本草原始 本草经疏 刘禹锡嘉言录 白乐天集 本经
疏证 本草图经 临海异物志 小草斋记 西药大成 闽小记
山谷诗话 梵书 尔雅翼 陆玑诗疏 湘山野录 遁斋闲览 海
物异物记 嵇含草木状 博物志 榕村集 五灯会元 学圃杂疏
兰谱 樵书南州异物志 岭南卫生录 山海经 海族志 三山
志 闽中海错疏 泉南杂志 越绝书 物类相感志 埤雅 岭南

录异 闽部疏 施可斋闽杂记 榕城随笔 西药略释 述异记
 道南源委 王遵岩集 许族谱 郭族谱 林家乘 林见素文集
 陈家乘 清源文献 紫峯文集 林次崖文集 李鹿巢文集 温陵
 诗纪 晃岩集 河干集 遁菴集 何镜山集 棲霞藏稿 景壁集
 再征集 王十朋诗集 洪侍郎诗文稿 明遗民录 异人集 海
 纪 东平纪录 南疆绎史 交行摘锦 荆驼逸史 永历纪事 纪
 许国南行草 石青遗稿 沧海琐录 留菴文集 宦海伏波记 东
 征集 池上草堂笔记 清文汇 松溪文献 亦雅室诗钞 亦佳室
 文钞 涌清堂文集 全闽诗俊 鹿洲文集 瓯北集 郭尚先笔记
 傅锦泉文集 李长庚诗集 叶晴峯诗集 高言集 嘉禾文献考
 竹畦文钞 啸云文钞 浯洲见闻录 林登州集 亦园脞牒 竹
 竹诗草 怡园诗草 晓槎诗草 颍川文集 榕轩诗草 翠云小舍
 诗草 冠悔堂诗集 藤花馆诗集 曾郅叟诗集 李芋仙笔记 实
 甫诗集 曾仲明诗集 小兰雪堂诗集 内自讼斋 岛噫集 丛青
 堂文集 唐书艺文志 清漳杂记 千云斋集 晁氏郡斋读书后志
 鳌峯近咏 宁我堂集 生芝堂诗集 黄石斋文集 鮚埼亭集
 续闽书 林霍诗话 蠡测类钞 国朝先正事略 春秋大事表 黄
 金宰金壶浪墨 崇明志 新罗志 彰化志 丁雁水问山集 纪南
 书湄龙堂集 石青尺牋 浩然小草

凡 例

一全省县志通用凡例分三十八门，兹悉遵用，以昭画一。

一各门皆重新考证，凡旧志所有者，必注明其出于何书，有宜详者详之，有宜删者删之。其旧志未备者，一经采入亦必旁注书目，以期传信；其无书目可注者，书明采访何人以别之。

一旧志中缺者补之，误者正之，不敢沿讹袭谬，因陋就简。如辜朝荐、沈光文、郑得潇皆明儒而列于清；蔡攀龙官阶武略，卓有可观，而考证未确；卢若腾气节文章一时无两，而列于循

绩；薛沙、陈黯应入文苑，而详于外纪，似未确切，今补正之。

一旧志星野，以本邑为牛女之墟。按《文献通考》牛女星宿分野至十二省，广漠无垠，未免模糊影响。兹从省颁志目例，以新式测量，按准度数绘图贴说较为确凿。何人测候，概署姓名。

一县属原辖十二里，兹因金门、厦门划分为县，所有旧志诸山川名胜属金厦者，概行删却。第人物、赋税在疆域未改革以前无可系属，故书中纪载仍不厌求详，如科名、选举、籍贯本属同安，即其例也。

一旧志灾祥、征抚，今悉采入大事记；庙宇、寺观、岩潭、泉石、坊表、第宅、冢墓，今悉列入名胜。概遵通用凡例，以省志目。

一通用凡例中之未尽善者，如驿站附于城池，虽曰以类相从，似未尽合。此项今已不适用，且旧法用以投递文书，编入交通，作为考证邮局沿革之用，似觉妥当。其交通门，若同美车路、同溪车路、电报邮政各路线，概用新式绘图，以清眉目。

一物产，近今种类较前尤夥，旧志或一物重出，或分类不清，实不无杂沓重复之处。本书特分别状态，详列功用，合中西研究物理诸法而会其通，俾阅者一目了然。

一凡学宫、祠宇、城池、桥道、书院、义塚，或修或创，必详其年月姓名，概入建筑志，以为急公好义者劝。

一户口，旧制调查不确，难作实据，再行调查，殊费手续。今仅摭拾旧闻而已，将来政无不举，必有确定之人民册籍，拭目俟之。

一警察、刑法、武备、实业、交通、外交各志目，概邑旧志所无；若思明州人物及垦荒、华侨等，又省凡例所无。书中凡通行凡例所有者，皆遵例考证原委，其凡例所无者，亦悉补入，因有特别事实不得不尔。

一通行凡例中，如武功概入列传，与史、汉史例及宋濂三史均合，自应遵用较为完善。惟志书体例从宽，与正史有别。考王轩《山西通志》于人物仅仿类录之体，并不依列传之例。则旧志之类列武功，不为无见，况同安为武功最盛之区，见于道光朝谕旨，固邑乘之光也。兹仍列武功录一门，以便依类考证。

一朱成功开府思明，垂三十余年，明诸遗老多从之。旧志列诸寓贤，于例未合，然舍寓贤外，又无其他志目可以附属。兹特仿《会稽典录》之例，别为‘思明州人物类录’以明之。

一本邑人物，从朱成功渡台者实繁有徒，或主持政体，或专任武略，或开垦疆域，苦心孤诣，志节自不可掩。有志目可附者，概附各志目；其无志目可附者，悉列入垦荒。而各华侨之在外建设，悉采入焉。

一录以存人也。准于史当为传。惟传者释经之名，史家用之以与本纪相附。志既非史，而文复杂采古今，为例不纯，自当仿赵岐、虞预撰录之例较合。

一凡与旧志有异同者皆加“参”字以别之。

一旧志修至嘉庆三年，届今阅百余年之久，文残献阙在所不免。此次通行凡例志目加详，虽续修实与创修无异，即竭力搜罗，虑不免遗珠之憾，尚期博洽大雅摭拾采辑，俟后重修再行登载。

一艺文非有关于地方风俗者不录。

一生人诗文不录。

卷首校注

①公在乾侯 鲁昭公兵伐季平子，师败奔齐，居乾侯。公在乾侯者，意谓鲁犹未亡也。借指郑成功开府思明，明朝尚未灭亡。

②班范 当指班固与范曄，二人分别著《汉书》、《后汉书》

③龙门 指司马迁出生地龙门山，后为司马迁别称。

④《三辅录》据《后汉书》，应为《三辅决录》，该书记雍州之人文地俗。

⑤马郑 宋马端临和郑樵。二人分别著《文献通考》、《通志》

⑥不涉武功之略，已擅宁化之长 武功系指康对山的《武功志》，宁化指李元仲的《宁化志》，二者皆历史名志。

⑦许乡贤 系指许升，字顺之，朱子高足。

⑧伊川 伊川学派创始人程颐的号。

⑨束皙 晋元城人，从战国魏王墓中得竹简数十车，加以整理辨识，成书七十五篇。